

## HYMENOPTERA NOVA E FAUNA HUNGARICA.

Ab ALEXANDRO MOCSÁRY descripta.

### 1. Schizocera Syrmiensis.

Nigra, nitida, lævigata, nigro-alboque pubescens; capite pone oculos evidenter angustato, antennis crassis, nigris, basin versus attenuatis, haud, tantum  $1\frac{1}{2}$  mm longis, clypeo truncato; pronoti lateribus late pleurisque supra et alarum tegulis radiceque et scutelli apice fulvescenti-testaceis, costa stigmateque fuscis; abdomine pedibusque fulvescenti-testaceis, coxis ac trochanteribus nigris, posticis testaceo-maculatis, omnium femorum basi, tibiarum posticarum apice valvulisque genitalibus nigris, tarsorum articulis apice infuscatis; alis subfumato-hyalinis, nervis fuscis. — ♀; long. 6 mm.

*Schizocerae dalmaticae* Mocs. similis; sed minor ac multo gracilior, capite non tam lato, clypeo truncato, antennis brevioribus, non 2 mm longis, valvulis genitalibus nigris, iam satis distincta.

*Hungaria meridionalis*: Vrdnik (Mus. Hung.)

### 2. Ephialtes longicauda.

Niger, palpis pallidis; alis hyalinis, stigmate nigro, radice et squamula albidis; capite buccato, clypeo emarginato; vertice, temporibus dilatatis, pro- et mesonotoque nitidis ac lævibus, albo-pubescentibus; nervello ante medium fracto; abdominis segmentis 3—5 utrinque fortiter tuberculatis; pedibus rufis, femoribus posticis imo apice nigris, tibiis his tarsisque fuscis, illis basi rufescentibus; terebra longissima, corpore quinques longiore, dimidio basali sordide-alba, apicem versus rufescenti. — ♀; long. corp. 18 mm; terebræ 96 mm.

Species: inter omnes hucusque cognitas terebra insoliter longa, dimidio basali sordide-alba, apicem versus rufescenti, iam primo intuitu facile cognoscitur. — De cetero *Eph. cephaloti* HLGR. similis esse videtur; sed hæc species eiusque terebra multo breviores esse dicuntur.

Specimen unicum ad Debreczinum (Debreczen) in Hungaria centricoli invenit Musæoque Nationali Hungarico benevole donavit Dom. JOANNES KOVÁCS, Professor eiusdem civitatis. (Mus. Hung.)

### 3. Chrysis (Holochrysis) millenaris.

Parva vel subparva, elongata, parallelia, cyanea, parum virescens et violascens, mas nonnunquam etiam parum viridi-subauratus, cinereo-alboque pilosa; cavitate faciali lata, frontem versus parum angustata, cyanea vel cyaneo-viridi, in mare nonnunquam viridi-subaurata, dense punctulato-coriacea, medio canalicula tenui, superne convexa, non marginata; antennis sat longis, crassiusculis, fuscis, cano-puberulis, articulis duobus primis viridi-cyaneis vel viridi-subauratis, tertio sat longo, secundo dimidio longiore; genis sat longis, articulo tertio antennarum æquilongis vel adhuc parum longioribus; oculis ovalibus, valde exsertis; fronte convexa; pronoto sat longo, transverso, antice in medio parum impresso; metanoto凸, dentibus postico-lateralibus sat longis, acute-triangularibus; vertice densius, thorace supra dispersius sat crasse ac profunde punctato-subreticulatis; abdominis segmentis dorsalibus viridi-cyaneis, in femina parum, in mare uberior viridi-subaureo tinctis, primo segmento minus dense crassius sat profunde punctato, secundo densius sed subtilius rugoso-punctato, convexo, carinula mediana nulla, tertio dense subtiliter rugoso-punctato, in femina parum concaviusculo-depresso, in mare fortiter convexo, supra seriem parum incrassato, foveolis sat magnis ac profundis, intermediis maioribus, circiter 10 distinctis, margine apicali mediocri, in medio distinete emarginato sinuatoque, in femina summo margine nigro-aenesceni; ventre viridi-cyaneo viridi-aureoque lavato, in mare viridi-aurato, segmento secundo utrinque nigro-maculato; pedibus in femina viridi-cyaneis, in mare viridi-auratis, tarsis in sexu utroque rufo-testaceis; alis parum sordide-hyalinis, venis fuscis, tegulis viridi-cyaneis, in mare viridi-auratis. — ♂ ♀; long. 5— $5\frac{1}{2}$  mm.

Species colore parum varians: de fronte, genis, pronoto, abdome tarsisque et magnitudine a congeneribus facile cognoscitur.

Patria: **Hungaria** (Budapest, Makó, Peér) et **Bulgaria**, specimen a Dom. STIPANICS inventum (Mus. Hung.).

### 4. Chrysis (Tetrachrysis) Páveli.

Parva, elongata, parallelia, sat robusta, tota cyanea, capite thorace supra parum aenescens, cinereo-alboque pilosa; cavitate faciali sat lata, frontem versus parum angustata, dense punctulato-coriacea, medio sublævi, superne convexa, non marginata; antennis sat longis, crassiusculis, fuscis, cano-puberulis, articulis tribus primis viridibus, tertio longo, secundo plus quam duplo longiore; genis longis, articulo secundo antennarum duplo longioribus; ore viridi-subaurato; pronoto sat longo, trans-

verso, antice in medio parum impresso; metanoto convexo, dentibus postico-lateralibus robustis, sat longis, acute-triangularibus; vertice densius, thorace supra parum dispersius sat crasse ac profunde punctato-subretilatis; abdominis segmentis dorsalibus: primo minus dense crassius sat profunde, 2—3 densius rugoso-punctatis, carinula mediana segmenti secundi sat distincta, tertio adhuc subtilius densiusque punctato, parte basali subtiliter concaviusculo, supra seriem parum incrassato, foveolis profundis sat regularibus magnis, circiter 10, lateralibus minoribus, margine apicali, dense punctulato, quadridentato, dentibus in arcum levem dispositis triangularibus, intermediis parum longioribus, emarginaturis inaequilibus, intermediis externis latioribus minus profunde arcuatis, fere subtruncatis (sicut in *Chrys. nitidula* FABR.) externis sat profunde arcuatis angustioribus, lateribus ante dentem externum levissime sinuatis; ventre pedibusque viridi-cyaneis, tarsis fuscis; alis hyalinis, venis fuscis. — ♂ ♀; long. 4<sup>3</sup>/<sub>4</sub>—5 mm.

*Chrysidi Tauricae* Mocs. et *monochromae* Mocs. similis et affinis; sed differt praesertim forma dentium analium emarginaturarumque.

*Hungaria meridionalis*: Vrdnik. A JOANNE PÁVEL, Musæi Nationalis Hungarici collectore in uno mare et femina detecta. (Mus. Hung.)

### 5. *Nomada elegans*.

Fronte inter antennas acute carinata, labro inermi, antennarum articulo tertio quarto parum longiore: corpore crasso, capite thoraceque nigris, parcissime pilosis segmento mediano utrinque evidentins griseo-piloso; antennis pedibusque cum coxis totis, clypeo item, labro et mandibularum basi late maculaque magna mesopleurali et minori segmenti mediani punctoque utrinque ante scutellum, rufis; mesonoto subnitido, fere glabro, dense crassius punctato-rugoso; pronoto, callis humeralibus, alarum tegulis et maculis duabus magnis scutelli albidis seu eburneis; abdominis segmentis dorsalibus: primo et secundo ultra dimidium basale rufis, parte apicali et reliquis nigris, 2—4 utrinque maculis albidis magnis ornatis, quinto fascia antice in medio parum attenuata albida, apice fimbria fusca, sexto nigro; segmentis omnibus usque ad marginem apicalem lævem subtiliter rugosiuscule punctatis; ventris segmentis duobus primis rufis, reliquis nigris, 3—4 fascia, tertii in medio attenuata, albida; coxis posticis superne niveo-tomentosis, tibiis his apice nudis; alis hyalinis, apicem versus infumatis, nervis piceis, cellula cubitali secunda subquadrata, tertia superne angustata. — ♀; long. 11—12 mm.

*Nomadae Gribodoi* SCHMIED. feminæ mihi ignotae similis et affinis esse videtur; sed clypeo antennisque totis rufis, tegulis albidis (non piceis), ventre quoque aliter colorato, cellula cubitali secunda non triangulari,

præsertim distincta. — Etiam *Nomada tripunctatae* Mor. similis; sed multo maior, mesonote subnitido, dense crassius punctato-rugoso, pronoto, callis humeralibus, alarum tegulis et maculis duabus magnis scutelli albidis seu eburneis, cellula cubitali secunda non triangulari, iam satis distincta.

*Hungaria meridionalis*: Deliblat. Sex specimina conformia a Dom. L. BIRÓ, initio mensis Julii collecta. — Est forsam parasita *Anthrenae pyrrhopygiae* KRIECHB? Cum ea simul inventa. (Mus. Hung.)

---